

# ANA ITERANIBA TE BETEBEKE

TE RONGORONGO MAN TE BERETITENTII N TE AONO

## Ana Bwaintangira te Mangauti ae Tamara

Iroun Unimwaane James J. Hamula

Te mate bon te koaua ae aan rikira. N aki taraia bwa terana am botanaomata, koaua, ke karan klinik, n aki tara te kaubwai, am tabo, ke bon am konabwai, ngaira ni kabane ti na mka, ni buakaka, ao n tokina bon uruakin rabwatara. Engae ngke ti na bane n rootaki iai, te mate e bon taraaki bwa te mwakuri ae akea te kantanninga iai, te toki, ao te bwai ae kaka-maku. "Bon te bwai are e karekea te maaku ae rangi ni kakamaaku nakon nanoia aika bat," e taku Unimwaane Bruce R. McConkie. "Bon te bwai teuana ae ti maakua, are e bon kakamaku, ao are angina mai iroura ti na bon birinako mai iai ngkana ti kona." E mataata, bwa te maaku aio boni iai bu-kina. Iotebwa Timiti e anga reirei bwa "te Uea ni wanawanana . . . e karina maakakin te mate irouia aomata ni kabane bwa a na kona n nimta te maiu ao n te aro anne ao a kakoroa bukin ana iango te Tia Karikibwai."

Te mate e kona ni maakaki ibukina aika bat. Ti kona ni maakua ibukina bwa e na kabuakaka te rabwata ao iriana te maraki are e na roko imarenan taai aika kimototo. Ti kona ni



Unimwaane  
James J.  
Hamula

maaka te mate ibukina bwa ti aki ataia bwa tera are iaona. Shakespeare e kabwarabwara te mate bwa "te aba ae e tuai ni kuneaki are taan toua aki manga karairaki." (*Hamlet*, mwakuri 3, tamnei!, rain 79–80). Ti kona ni maaka te mate ibukin reitaki n te bua ae kammaraki n te utu ao te botanaomata, are e a uotia ma ngaia te maroa ao te nanokawaki ae rangi ni bat.

E ngae ibuakoia aika kakaonimaki ake a rinanon te maiu ma rabakaun ana euangkerio Iesu Kristo, te mate bon te atatai ae matoatoa. Beretitenti Gordon B.

Hinckley n te taina e tibwaua ana namakin ni kaineti ma buan tinana, n aron ae imwiina: "N ana ririki ae nimabwi (tinau) e reke irouna te kaentia. . . . I uringa ara tataro n utu, ma ana bubuti tamara ma rannimatana ao ara bubuti ma rannimatara. . . . E uotia nako Los Angeles ni kakaea te bwai n aoraki ae tamara riki. Ma bon akea te bwai ae e riki. Anne bon onobwi ma uoua te ririki n nako, ma I uringnga ma te mataata raoi nanon tamara ae uruaki ngke e a ruo man te turein ao ni kamauriia natina aika nanokawaki. Ti nakonako ma te nanokawaki ae e bat bakon te kaa are e uota te bwaoki ni mate ike e a karuoaki te bwaoki ni mate ao ni uotaki iroun te tia taunimate. . . . I uringa te bong ae nubono

n Nobembwa n ana tai n taunaki. Ti a katoka iaora te moa n nini-koria ao n taui rannimatara. Ma inanora, te maneka a bon nnano ao ni kammaraki. . . . Rinanon te mwakuri aiol, I . . . roko n ata te bwai teuana n te mate—te uruaki ae bwanin irouwia ataei ni buan tinaia—ma te rau naba ae akea te maraki, ao te aki nanououa e aki kona n riki te mate bwa tokin te tamnei."

N ai aron ae te mate bon aan raoi rikira, ai aron naba te maiu imwiin te mate. Ana burabeti te Atua ni kawai ao ngkai a tia n angareirei bwa imwaain ae ti roko ikai, ti maiu bwa naati aika tamnei irouwia ara Karo mai Karawa. Ana babaire Tamara are i Karawa ibukin rikirakeia natina bwa ti roko ikai iaon te aba ni karekei rabwatara aika mamate. Ma rabwatara aika mamate ake a kunnikaia tamneira, ara mwakuri bwa ti na reireia rabwata aikai, ma bwaai ake a tangirii, bwai ake a kainnanoi ma ni iangoi, nakon ana kantanninga te tamnei ao ana tua Tamara are i Karawa.

Ngkai a bon tamara ao ni kamimi aron rabwatara aikai, a bon kakai uruaki. Ngkai a karoaki man bwain te aonaaba ae mamate ao a katauaki nakon bwain te aonaaba, rabwatara a kakai rotaki n te aoraki, mka, ao uruaki. Ngkai e mate te rabwata, e oki rikaaki nakon te aonaaba are e roko mai iai. Ma te tamnei ae akea tokina are e maeka n te rabwata anne e aki mate; e reitinako ni maiu. Ngkai e reirei Parley P. Pratt: "Tinanikun

te taebaenaeko, e maeka iai te tamnei, e okira arona are e riki mai iai. Ma te iango iroun temanna ma temanna, te tia tei ae kakawakuri ke are e kinaaki bwa e maeka n te taebaenaeko anne, e aki kona n toki ni maiu, n iango, mwakuri, maiu, kakamwakuri, ke n riki n aomata; e aki kona n toki ni karaoi namakin akanne, tangira, kantaninga, ao takete nako, ake a kona n reke n rikin te wanawana, ngaia are e na karekei reirei aika kakawaki n maiuia ae akea tokina.”

Ni maenako man rabwatana man te mate, te tamnei e a roko n te kanganga, are e kabwarabwara te burabeti are Iakobwa: “Ngke arona bwa a na aki mangauti irikora ao ana riki tamneira bwa ana toro te anera are bwaka mai matan te Atua are Akea Tokina, ao n riki bwa te riaboro, n aki mangauti. Ao ana riki tamneira n ai arona, ao ti na riki bwa taian riaboro, ana anera te riaboro, aika a na kararoaki mai matan te Atua, ao ni maeka ma taman taian kewe, inanon te korakai, n ai arona” (2 Nibwaai 9:8–9). Te kamaiuaki man te mate e riai ibukin kukureira n tai aika a na roko. “Tamnei ao bwaina nako, n toma n aki maenako, a karekea te kukurei ae bwanin; ao ngkana a maenako, te aomata e aki kona ni karekea te kukurei ae bwanin” (tara D&C 93:33–34).

Ngkai te Atua Tamara, e rangi n ataibwai, e a kaman noora te kanganga aei. E ataia bwa te mate e na roko nakoira ni kabane. E ataia naba bwa ibukira

ni korakai n aki toki ibukin te mate e na aki tau. E na bon aki tau ibukina bwa ti karekea te aro ni mate man aia mwakuri tabeman—tokin ana mwakuri tamara Atam ao tinara Ewa—tiaki ara bure. Ibukin aei, te Atua e katauraoa kabooan tamneia aomata ni kabane rinanon maten Kristo ao mangautin Kristo. “Nooria, e kainnanoaki ma ni baireaki raoi, n aron mwaakan ao mangautin Kristo bwa tamnein [i.e., tamnein] te aomata e na okira rabwatana . . . ao bwa aomata a na motikaki taekaia n aron aia mwakuri” (Aramwa 41:2–3)

E kakawaki, okin te tamnei nakon te rabwata rinanon mwaakan mangautin Kristo e roko iaioa ni kabane. “Te tamnei ao te rabwata ana manga ikitaki riki n aroia ae kororaoi; baai ma wae ma toman te rabwata ana manga kaokaki nakon teia ni koaua, n aron ae iroura n te tai aei . . . Ao ngkanne, kaokakin bwaai nako e na reke nakoira ni kabane, nakoia ake a kara ao ake a uarereke, ake a kabaeaki ao ake a inaomata, nakon te mwaane ao te aine, nakoia ake a buakaka ao ake a raoiroi . . . ao bwaai ni kabane a na manga kaokaki nakon aroia ae kororaoi, n aron ae ngkai, . . . (Aramwa 11:43–44). Ao aio nanon Teuare kanakomaiai, bwa N na aki kabua temanna I buakoia ake E anganai ni kabaneia, ma N na kaotia n te bong n toki” (Ioane 6:39).

Ae kakawaki naba bwa, n aki katotonga moan ikitakin te rabwata ao te tamnei are e roko rinanon bungiakira nakon te

aonaaba, ikitakin te rabwata ao te tamnei e roko man mangautin Iesu Kristo e matoaraoi. “I a tia n taetae nakoimi ibukin maten te rabwata ae mamate, ao ibukin naba mangautin te rabwata ae mamate. I taku nakoimi bwa te rabwata ae mamate aio, e na kateirakeaki bwa te rabwata ae aki mamate, ao aio bon man te mate, are man te moan mate nakon te maiu, bwa a na aki kona ni manga mate, tamneia e na ikitaki ma rabwataia, aki kona ni manga kamaenakoaki; are nanona bwa te aomata iai tamneina ae aki mamate ao a na aki manga noora te mka” (Aramwa 11:45). Te kakabwaia tera ae kamimirai! Are e mangauti “e na manga aki noora riki (ke ni maaka) te mate” (tara D&C 81:116).

Ibukiia ni kabane ake a tia n nakonako iaon te aba, bon tii temanna ae kona ni katauraoa te bwaintangira ibukin te mangauti nakoira. Anne bon Iesu Kristo. Te aomata ae Iesu Kristo bon Natin te Atua, Tamara ae Akea Tokina. N te karinerine aei, boni Ngaia aekakia aomata ake tabeman, ake boni ngaia naba naati n tamnei iroun Tamara are i Karawa. Iesu Kristo e kaokoro ma aomata ni kabane, ma e ngae n anne mai ibukin koauana bwa rabwataia aomata a bon karikaki ibukiia aomata, ma ngaia are, a kabaeaki nakon te mate, n riki bwa ana batibatu ao taan bwaibwai mairoun Atam, ngkai rabwatan Iesu e bon karikaki mairoun te Atua, Tamara are i Karawa—te aomata ae aki mamate are aki kona ni boo ma

te mate. Kristo, e ngae n anne, e karekeia mairoun Tamana te konabwai ni waki nako ni maiu naki toki. Iai mwaakana iaon te maiu ao te mate, n aron are e kabwarabwara nakoia Bwaritaio: E anga maiuna te tia kawakin-tibu ae raoiroi I buki'a tibu . . . Boni Ngai te tia kawakin-tibu ae raoiroi, . . . ao I anga maiu I buki'a tibu . . . Ma ngaia ae E tangirai Tamau, ba kioina ngkai I anga maiu, ba N n manga anaia. Akea ane anaia mai Rou, . . . ma I bon anga Iai I Rou te m'aka n anga ao iai I Rou te m'aka ni manga anaia" (Ioane 10:11, 14–15, 17–18).

Ngkai te aomata—e tauaki taekana n te mate—e aki kona n tabeka oin rabwatana man te ruanimate, Iesu e roko nakon te aonaaba ni karaoa ana mwakuri ni kamaiu ibukin bwakan Atam, ike e a kakoroa mwaakan te mangauti. Te moan kakoaua ibukin tokanikaina iaon te ruanimate bon, eng, bon oin mangautina. Koauan oin mangautina e aki kona ni kaaitaraaki raoi.

- E bon nooraki ao n ongora-eaki iroun Maria (tara Ioane 20:11–17).
- E kaitibo ma aine ake iaoni kawaiia n tuangitia taan reirei ibukin te ruanimate are akea kanoana. E taetae nakoia, "Ao a nako Ina n tau waena n taromauria" (tara Mataio 28:9–10).
- E nakonako ao man taetae ma uoman taan reirei iaon kawaia nako Emauti (tara Ruka 24:13–16, 28–32).
- E kaoti nakoia ana abotoro n aki ke iaan uoua te tai, te taina ngke akea Toma ao manga tenua te wiiki imwiina ngke iai ngaia. E taetae nakoia, kaotii baina ao waena nakoia. N ana bubuti, "A anganna te maoto n ika ae tinimaki. Ao e anai ao E kang i mataia" (tara Ruka 24:36–43; Ioane 20:26–29).
- E kairuaia itiman ana reirei i Taari are Tiberia (Ioane 21:1–22).
- N te taina, ao e nooraki n raka iaon 500 te aomata n te tai ae ti teuana (1 I-Korinto 15:6).
- "E kaoti nakon Keba" (1 I-Korinto 15:5), nakon Iakobo (1 I-Korinto 15:7) ao nakon Bauro (1 I-Korinto 15:8).
- Iaon maungan Kariraia, e tua-nigia te "tengaun ma temanna" bwa a na nako "ni kakiritiania botanaomata ni kabaneia" (Tara Mataio 28:16–20)
- N te kabane, "ao e kairia nako ao, ni karokoa . . . Betania; ao E katei baina, ao . . . ngke E tabe n taetae ni kakabaiaia, ao E karaureaki ma ngai'a, ao E uotaki rake nako karawa". (Ruka 25:50–51)
- E boni koaua, n rimwian ana mwakuri ni mangautina n aban Ierutarem, Iesu e kawara ao n ibuobuoki ibuakoia Nibwaite n te Aba ni Mari (tara 3 Nibwaai 11–27).

Bwa mangautin Iesu e kauka te mataroa nakon mangautia tabeman are e a tia ni kokoauaki raoi. E ribotinna Mataio bwa imwiin mangautin Kristo

"a kaukaki neia mate; ao a kau-taki rabwataia ake a raoiroi ake a matu aika bat; ao a nako mani neia I mwiin utin Iesu, ao a nako n te kawa are tabu, ao a kaoti nakoia aomata aika bat" (Mataio. 27:52–53). Akea te nanououa bwa Kristo e anganano nakoira ibukin te aki mamate nakon tamneira. E a tia ni kakoroa bukin ana moan itera n ana "mwakuri ao . . . mi-mitongina [are e katanoata nakon Mote bon]—uotan te aki mamate ao te maiu are akea tokina nakoia aomata" (Moses 1:39).

E korakora baera iroun Iesu Kristo ibukin mangautira. Ma tiaki aio te kabane ni kouru. Uaiakinan te aki mamate bon te bwai ae e riai karaoana, ma e aki kainnanoaki n aron are uaiakinan te maiu are akea tokina. Te aki mamate e kaota abwakin te maiu—te maiu ae aki mamate. Te maiu are akea tokina e kaota kakawakin te maiu—kakawakin te maiu are e kimwareirei iai te Atua. Te maiu are akea tokina e katauraoaki nakoia ni kabane ake a kammwakura aia onimaki iroun Kristo, a rairi nanoia man aia bure, a butimwaea te bwa-betito ao ni kabane otenanti n kamaiu ao berita aika tabu ake imwiina, a karekeia te bwaintitu-araoi are te Tamnei ae Raoiroi, ao n teimatoa ni ua te toki (tara 2 Nibwaai 31, 3 Nibwaai 11). N tain te Itita aei, ti bia neboa te Atua ibukin te bwaintangira ae tabangaki ibukin te aki mamate, ao ni motinnanoa katauraoara ibukin te bwaintangira are te maiu are aki toki. ■

# Te Bwaintangira ibukin te Mwakuri ni Kamaiu

Iroun Catherine Vaughan

**T**i maeka inanon te aonaaba ae rikirake te araro iai, ike tautaeka ma kauntira a babaire ni kaitarai aro ma motirawa aika tabu. Te kabanea ni kakawaki n te tai ae riki n rongorongan te aonaaba e a tia n tabeitera ao n aki riai inanon kaawa aika batu ni kataakin ae e na urui aroia tabeua kurubu ao katei—mai buakoia ake a butimwaea bukamaruan te kakaokoro, ao aki uotaki rikaaki iai.

Ma, n aki ongea kataakin kararoan aro man waakin maiun te botanaomata, Iesu Kristo e teimatoa ni maiu inanoia aika mwaiti ake a tia ni kaoa nako nanon maiuia.

Ribuakon katanoatakin bunnimoa tiaokureti ibukin te Itita, taian bwan kaibangaki aika kabue-bue, kaungan kakaeakin bunnimoa ibukin te Itita, ao butimwaeen kananauan te wiikente imwin tokin te mwakuri ao te reirei, oin raoi bukin bukamaruan te Itita e teimatoa ni mwaneaki irouia aomata aika mwaiti. Kakawakin ana Mwakuri ni Kamaiu te Tia Kamaiu ao taurakina e kinaaki ni kabanea te ririki ao tiaki n tii tain te Itita.

Mwakoron te Mwakuri ni Kamaiu ae te kabanea n tamaroa bon te katei ae karaoaki ibukin temanna ma temanna. Aomata nako a tia ni kakabwaiaki ma mwaakan te Mwakuri ni Kamaiu ao te mangauti, ni kamaiura man ara bure, karau naano aika rawawata, kainaomataira man te rawawata, ao n anganira ara tai bwa ti na manga oki nakon mweengan Tamara are i Karawa.

Ngkai ti a roko n te tai ae tabu aei n te ririki, ti bia kateimatoa maiun te Tia Kamaiu inanon ara koaua, ao ni butimwaea ana anganano are E a tia ni karaoia n tei ibukira n tatabemanira nako.

Koaua aikai ni kabuta Aonon te Betebeke a kaotia bwa n aki tabe bwa te tabo ra are ti maeka iai, ao ara kanganga, ara atatai ibukin te Mwakuri ni Kamaiu e kona ni kakorakoraira, ao ni kaanira riki ma Tamara arei i Karawa.

**Thomas Wayne Fox: Hobart Uoote, Hobart Aotiteria Titeiki**

I kaikawaaki iroun te tina are reireinai bwa N na kakaitau ibukin ana tangira te Tama are i Karawa are e katauraoa te babaire ni kakukurei bwa ngkana I iria e na butimwaeai bwa n na kona ni manga mena ma ngaia n te bong teuana. Bwa te Uea Iesu Kristo e katoka iaona au bure, e tauraki ao ni manga kautaki bwa I aonga ni manga maiu are e katukai inanon ae kamimi ao ni kakaitau, are e a kuri n riaon taeka ake a na kabwarabwaraaki. Ma e ngae n anne, ni Moronaai 7:41 te burabeti e kaan ma kakimototoan au namakin, ngke e a manga taekinna n aron ae kangai “... tera ae kam na kantaningaia? Nooria, I taku nakoimi bwa kam na kareka te kantaninga rina-non ana mwakuri ni kamaiu Kristo ao mwaakan mangautina, bwa kam na kateirakeaki nakon te maiu are akea tokina, ao aio ibukin ami onimaki irouna n aron te berita.” I reita au kakoaua nakon ana taeka Moronaai.

**Eliza Peka: Capalaba Uoote, Cleveland Titeiki, QLD**

Bon akea arou n riki bwa te tina ae kororaoi, ma I tangiria ni kan riki bwa ngaia. I tangiria n kan riki n tamaroa riki ni katoa bong bwa I aonga ni buokia natu aine aika kairake nakon aia kabane n tamaroa. Ana anga karea ni kamaiu te Tia Kamaiu nanona bwa I kona n noora te bong ae boou n tatabeua nako n aron ae te moan waaki, bwa au kairua ake ngkao a na aki tauai rikaaki. N ataakin te Tia Kamaiu ae e a tia ni karea te mwakuri ni kamaiu ibukiu e buokai n namakina ana tangira, ao anne bon te namakin ae kakukurei.

**Sterling Peka: Capalaba Uoote, Cleveland Titeiki, QLD**

A mwaiti katein maiun te Tia Kamaiu are I rangan kakaitau iai man taian kakai ake E karaoi ao katoto ake ti kataia ni kakororaoa maiura imwiina, nakon te mwakuri ni kamaiu ao n aron are e kata-nira mani kabwaraan ara bure, nakon te karieta-taki. Ngke e roko iroun te Tia Kamaiu, akea te

bae I namakina ma bon tii te tangira ao te kakaitau. Ni katoa bong I konna kainnabau ao natiu, ao I bon rangin kakaitau bwa ana mwakuri ni kamaiu te Tia Kamaiu e a tia n anganai au tai bwa N na maeka ma au utu n aki toki ngkana I maiu ma te kororaoi.

#### **Gunnella Murphy: Dural Uoote, Sydney Aotiteria Baulkham Hills Titeiki**

N ana Boki Moomon, e taetae ni burabeti Moomon ibukin Kristo n Aramwa 7:11, "Ao e na waakin n rinanon te kainnano ni maraki ma te karawataki ao te kaririaki n aekaia nako; ao aio bwa e na kakoroaki te taeka are e taku bwa e na uota iaona marakiia ao aorakiia ana aomata."

N 2011, kainnabau te mwaane ae 33 ana ririki ni maiu e mate. I ataia bwa rinanon te taneiai ae onoti bwa au Tia Kamaiu e katoka iaona te maraki ae korakora ao te karawataki are tao ke ngkai ao boni ngai ae n na uouotia E karaoa aei ibukina bwa E tangirai—te tangira anne e a bon rangin korakora ibukiu. I tangiria ma nanou ni koaua ibukin te bwai are E a tia ni karaoia, ao e reiti nako ni karaoia ibukiu ni katoa bong—e bon rangin "kamimi nakoii"

#### **Steve Coy: Marion Uoote, Adelaide Marion Titeiki, Aotiteria Maiaki**

N rikirakeu ngke kaain te Kamatu ngai I reia-kina karakinan Iesu n te Baibara. Ngaia are I ataia bwa e rangin kakawaki ao temanna ae e na kato-tongaki. Ma e aki matata nakoii bwa e kanga n riki bwa te tia Kamaiu nakoia aomata ake a tuai n ongora rongorongona. Ma e ngae n anne, ngke I kairiia ruaman mitinare nakon mweengau ao n reiriniia au utu taekan te "Babaire ni Kakukurei". N te moan tai, I nooria bwa e kanga Iesu n riki bwa te Tia Kamaiu nakoia aomata, ni kabutai taa ni kabane. Imwiina, tebubua te ririki imwiina, ngke I riki bwa te mitinare, I baireia bwa N na wareka rongorongon mangautin Iesu ma "te nano ae koaua". I teimatoa n uringa te kakoaua n te maiu n tamnei are e kaoti nakoii ngke I wareka 3 Nibwaii 11:14—anne ngke I ataia bwa "Atuan

Iteraera ao Atuan aonaaba ae bwanin ao n (tia) n tiringaki ibukin buren aonaaba."

#### **Mel Whaanga: Chapel Downs Uoote, Auckland New Zealand Redoubt Titeiki**

Ara utu a kaurangi uoua bwaai aika a kakawaki inanon Eberi, Te Itita ao ANZAC. Ni bongin te ANZAC ti kairiia natira nakon te mwaati n uringia kain te utu ao tabeman ake a beku ke a anga mai-ua ni katana Nutiran. N aron naba anne bon te tai ae onoti irouwia ara utu n uringan Iesu Kristo ngke e anga maiuna ibukira. Ana anganano, manga utina ao kakai n te ruanimate. Akea rongorongan rimoa ae e kona ni kabotauaki ma taeka tabeua akanne "e a uti". E angan ara utu te karaunano n ataia bwa ngkana ti kawakin ana tua te Uea ti kona n ikotaki ni kabane n aki toki.

#### **Duran Ormond: Mountain View Uoote, Manukau Titeiki**

"Irou, Te Itita tiaki tii te bukamaru ni manga utin Kristo, ma bon, te mangauti are e na anganiira ni kabane ake ti a tia ni maeka iaon te aonaaba aei. Te mangauti ao ana mwakuri ni kamaiu Kristo e anganiira te kantanninga n te maiu ae akea tokina nakoii ao au utu. Te Itita e tei ibukin ana tangira ae itiaki iroun Tamara are i Karawa ao Natina ibukira ni kabane. E buokai bwa nna teimatoa inanon te raoiroi, ao n ataia bwa e ngae ngke ti rinanon kanganga ao kataaki, n ai aron Kristo ao taurakina n te kaibangaki, e na roko te bong n onimaki ao ni kukurei ngkana ti a manga kautaki, n aron Kristo ma Ana mangauti. Tera riki ae ti kainnanoia n rinanon tai ni kangaanga nakon onimakinan ao te onimaki iroun Tamara are i Karawa ae tangira, rei-reinara iroun te Mwatita n tia reirei are bon ngaia?"

#### **Victoria Fitisemanu: Panmure Uoote, Panmure Titeiki Auckland**

N te tai naba are I ongo ke n noora aran te Tia Kamaiu, e waekoa ni kaonaki nanou ma te kakaitau, karinerine, ao te atatai ae bwanin n tainan kabwaka. Ma, te atatai anne e raonaki n tainako ma te kantanninga ao te onimaki bwa Ana mwakuri

n anganano e na uotai rinanon mwakoron te kawai n te maiu aei ake a kanganga ni boraaukinaki ibon tii irou. Man te taneiai I a tia n ataia bwa au Tia Kamaiu e maiu. E bwanin au onimaki Irouna. Ia tia ni kakouua ana boutoka nakon tinau n te tai are e a riki iai bwa te tia katauraoi ao te tia tararu nakon ara utu. Ninikoriana ni kaitarai "bwai aika matoatoa" n te maiu n aki birinako, e roko mai Irouna. Bainā n Akoi e aroraki nakoina ao e teimatoa n aroraki nakoiu ma tariu ao mwaneu, ni kakaonimaki ke n aki rang kakaonimaki, e tangiriira n ti te arona.

#### **Shayna Tapuso: Swanson Uoote, Henderson Titeiki**

I rang kakaitau ngkai I tia n reiakinaki ngke I uarereke taekan te Mwakuri ni Kamaiu, e ngae n anne e kaota te kabotau nakon te koaua are I karekea rinanon karaon ana reirei. Angiin tain kataaki inanon maiu bon tai aika kakawaki n tain bitakin otau n aan te Mwakuri ni kamaiu nakon te rairaki ae matoatoa. Kataaki aikai a tia n riki bwa kakabwaia, mamarau a tia n riki bwa korakora ao I a kaniai riki nakon au Tia Kamaiu ni katoa bong. E ngae ngke I aki ota raoi e kanga te Mwakuri ni Kamaiu, I ataia bukin tera, te tangira ae itiaki ae kororaoi ana tangira Tamara are i Karawa ibukira n tabemaniira. Ngkai I reitinako n reiakin riki taekan Maiuna ao bwai ni kabane ake e tokanikai iaioia, e anganai te ninikoria ao te korakora n tokanikai iaon katakiu ao n reitinako n toui mwiiin kawa Ina.

#### **Unimwane Tevae Hatitio, Papeete 2 Uoote, Papeete Tahiti Titeiki (beku n te New Zealand Auckland Mition)**

Ake ariki te kawai are e na kona ni kamaiuaki iai aomata n Abanuean te Atua, ti ngkana e kakoua ao ni butimwaea Iesu Kristo inanon maiuna.

Irakin ana reirei nako, ao butimwaea Ana mwakuri ni kamaiu ao ana anganano e kaitiakiira man ara bure, ao e karikiira bwa ti na tau n oki nako matan te Atua.

Ana anganano Kristo ni maiuna ao manga utina e karekea naba nakoira bwa ti na tokanikai iaon

te mate n rabwata. Ngaira ni kabane ti na bae ni manga uti, n ai aron Kristo, ao ni maeka n aki toki n rabwata aika kororaoi, imwiin ae ti kitana te maiu aei.

RinanoNa ti na kona ni karekei ni kabane ake e tangiria n anganira Tamara are i Karawa. Bon ngaia ara Tia Kamaiu ao te Tia Kabooira. Bon ngaia ara tia reirei, ao te banna ni katoto ae kororaoi. Kaniira riki n tiku irarikin Iesu Kristo, tamaroan riki arora ni kaitarai kakaewenako n te maiu, ao n namakina mwaakan Ana Mwakuri ni kamaiu inanon maiura.

#### **Titita Charlene Breit: E beku bwa te Mitinare n te Warebea i Tonga**

Te Itita bon te kabanea ni kakukurei ni bong n te ririki! Ibukin manga utin Iesu Kristo n ingabongin te Itita, kammarakin te mate e bua. I ataia bwa Nna manga maiu. E a tia ni kaotia nakoiu bwa Nna kanga ni manga oki nakon Tamau ao Tinau i Karawa ma au utu ni kabane naba iaon te aba. E a tia ni katanea te kawai. E a bon tia ni kamaiuai ma te koaua man te nanokawaki ao te bure. Au kakaitau nakoina e riaon are I kona ni kabwarabwara.

#### **Nellie Burgess Lomaloma: Lotopa Uoote, Pesega Samoa Titeiki**

Ara Tia Kamaiu Iesu Kristo e a tia ni katauraoa te kawai are ti kona ni kamaiuaki man katakira ni katoabong ao kairuara n te maiu aei, ao I rang kakaitau ibukin te bwaintangira n te Mwakuri ni Kamaiu.

3 Nibwaai 9:21-22: "Nooria, Ia roko nakon te aonaaba . . . n uota te kamaiu nako iai, . . . Mangaia are, ane e rairanona ao ma ni kawarai n ai aron te teei ae uarereke, ao N na butimwaea bwa ana bwai Uean te Atua. Nooria, bwa I bukiia naakai ao Ia tia ni kawenea maiu, ao ma ni manga anaia riki, ma ngaia are rairinanomi, ao roko nakoia man tokin aonaaba, ao kam na kamaiuaki."

N akean Iesu Kristo, tina korakai inanon matera n te maiu n tamnei rinanon ara bure. Iesu Kristo, te aomata ae kororaoi are e roko n te aonaaba ao ni

mai n te maiu n rabwata n aron ae riki nakoira, e kananorinaoai bwa n akean te bure e karaoa are e a tia ni karaoia inanon te tangira ibukira ni kabane. I ataia ao ni kakoaua bwa e namakin nanokawakira, ara kanganga nako, ao I kabaeaki irouna ibukira kai-maiuaku. E a tia ni kabooi au bure, bwa I aonga n oki nakon Tamara are i Karawa, ao I tii kainnanoia bwa n na ongotaeka ao ni kawakin ana tua.

I namakina ana raoi Kristo inanon maiu ngkai I kataia ni kaniiai Kristo ni katoa bong: ni kaota au tangira nakon au Tia Kamaiu ao nakoia tabeman,

man te tataro ni kamatoa au onimaki, n anganano ni beku ibukiia tabeman tiaki ibukin te tua ae tabu, man ongeaba nakon ana tua te Atua ni kabane, ao man wareware ao ni kamatebwai koroboki aika a tabu ibukin kabwaiara ao kakabwaiakira.

Te Mwakuri ni Kamaiu e buokai n riki bwa te aomata ae tamaroa riki. Irou bon te kakai n tata-nako, n teirake ao n reitinako.

I kakoaua bwa e maiu, ao te Mwakuri ni Kamaiu e karekea te kona irouia ni kabane ake iai aia onimaki iroun Kristo ni kamaiuaki man ara bure. ■

## Te Toa E Kabutaki n te Tabo Ae Raroa Nako

**Iroun Leeren Walker**

**E** atongaki te tabo arei bwa Salt Lake, tiaki Salt Lake City, Utah, ma Salt Lake, Fiji, ike e riki iai te kakai aei nakon maiun te utu teuana.

Te utu ae Volau ao Robina Raboiliku a rairaki ao a bwa-betitoaki i Tacilevu, Fiji, Manoa Raboiliku e riki bwa te Beretitenti n te Mwaanga man 1999–2007.

Inanon 2009, a mwaing te Tari ao Titita Volau Raboiliku ma natia aika onoman nakon te tabo ae tionako iaon te atimwakoro ae aranaki bwa Salt Lake.

Bon tebwina te aoa kakioana n te nakonako nakon ana kabanea ni kaan n auti ni bootaki te LDS. Akea te bao ni mwamwanga n te bong ae te Tabati. Ibukin te raroa, inanon nimaua te ririki n nako e a tia te utu n tiku n reitaki ma te Ekaretia man warekan booki aika tabu, aia taeka burabeti ni boong aikai, ao te boki n reirei ae iai



Ana utu Raboiliku ao mitinare i Salt Lake, Fiji.

irovia ni mwengaia, n tataro bwa n te bong are teuana anne,

e na kaan nakoia te ekaretia.  
N te ririki ae nako ao a ongo



mitinare aika bwanin aia tai taekan te utu ae Raboiliku ao a kawariia. E taku Robina, te tina, "Inanon ririki aika mwaiti ao I aki kona ni kakoaua bwa e na kona ni kawarira temanna te aomata." E reitia te tama, Volau, "bon te tai ae rangin ni maan ngke ti a tia ni mena n te eka retia ma I aki kona ni kabua au onimaki n te Ekaretia".

Unimwaane ao Titita Walker, te taanga ni mitinare ae maan, ao te kauntira n te Fiji, Suva, Beretitentii n te Mition, a kawara te utu ma mitinare aika bwanin aia tai, ao ni karekea ana bubuti ke ni karekea te toa ni katoa Tabati inanon mwengaia. E anga te kariaia Kenneth D. Klingler, te Mition Beretitenti, ibukin ana

utu Raboiliku bwa ana karekea te toa. E taku Titita Raboiliku "Ti rangin ni kakaitau bwa e bon teimatoa te Ekaretia n uringiira ao ti namakina te Atua bwa e rangin ni kaan ma ngaira, e ngae ngke ti rangin n raroa ma te umwantabu".

Inanon wiiki tabeua imwiina ao a kataneiaki mitinare ao ni katauraoa te utu bwa ana taua te toa ao ni kaboui aia berita n te bootaki n toa are e karaoaki ni mweengaia. A taku Unimwaane Abplanap ao Unimwaane Rainsdon inanon wiikin te tai ni kataraoi anne, "E rangin n tamaroa nooran nanoia te utu. E bon rangi ni kamimi ao ni kau nganganano". Titita Walker e karaoi kunnikai n toa aika mwainaina

#### **Katauraoa te toa**

ibukiia, ao Unimwaane Walker e rinanon karaon te bootaki n toa.

Te bong ae Nobembwa 10, 2013, e bon rangin ni kauringaaba ao n iai te tamnei iai. Ibukiia ake tengaun ma teniman ake a ira te Bootaki n Toa n te moan tai, e rangin ni korakora te tamnei ao a bane n namakina ana kakoaua te Tia Kamaiu ae korakora. Unimwaane Walker te beretitenti ao Grandpa Raboiliku e kaira te bootaki. A tibwa mwaing tiibu mwaane n rin ma aia utu mai Sigatoka, Fiji. Te kabanea n ika wai n nati ni mwaane, Josefa, ma buuna ao natia ae uarereke a maeka naba ma ngai.

Volau, ao Unimwaane Rainsdon ao Abplanap a katauraoa ao a kakabwaia te toa. Alekisa ao Timoci, naati mwaane aika uoman, a kabuta te toa ao Josefine, te nati te aine, e katekea te anene iaon te o ma ni kaira te anene. Robina, e mataku ao e kaota ana koaua ma ran ni mata aika a kaona matana. E taku Grandpa Raboiliku, "bon te kakabwaia manga tauan raraan ao rabwatan Ieau Kristo, tamnein te Tia Kamaiu e mena ikai". A kaeka naba naati "Ti bon rangin kukurei raoi".

Te bwai ae noraki bon kakaouaan ana tangira te Tama are i Karawa nakoia ni kabane Natina ake a roko ao ni kakoaua ibukin koauan maiun te Tia Kamaiu, matena ao mangautina. E uti Ieau Kristo man te nne ni mate ao ni maiu n te bong aei. Te toa bon kateimatoan kan Uringakina. ■